







古文冰雪携

名家小品

說議論評辯解雜著

息機說張鼎

進士說張溥

三英雄氣短說周銓

李道學說湯廷璉

○秦人藏書說闕士琦

二杖說譚元春

松栢說卓人月



○觀演戲說

鄒迪光

女山人說

譚元春

○幻女說

黎遂球

西音社議

韓詩

○松議

文德翼

▷五忠女論

李清

六妖姊妹論

李清

倪雲林畫論

吳從先

金谷序蘭亭記評

項煜



牡丹記評

黃淑素

閨媛

子卿娶胡婦辯

祝以幽

西子逐鴟夷解

薛 暉

士偶對

李光縉

拳喻

趙南星

輞川喻

馬世奇

山庭廻移

黃道周

書遊山豪爽語

袁中道

書鄧生讀書事

傅鼎臣



蒲團上語

何偉然

作客苦樂

陳元素

登雪浪閣偶書

曾文饒

艾園志遊

梁雲構

釋誨

張世偉

情癡

潘之恒

88

尤命

曾文饒

花蝶夢

曹宗璠

學廉嘲

曹宗璠



古文星驪謠

畫答

薛 采

陳 梁



皇朝詩林

卷之六  
謝 朓



古文小品冰雪携

吳下

懶僊衛泳

箋

息機說

張 鼎

自余客京師，掃一室，與俞子叔和榻相對也。旅舍無事，焚香讀書。讀倦，則就榻少則復讀。樂此以爲常。叔和嘗與余論息，至今猶能記憶之。歸而破屋數椽，幾隣竈下，斗室湫泝，不通賓客。愧余息之無地也。已復笑曰：息固地乎哉？孟子云：日夜所息，人以鼻氣之出爲息。凡物以發榮潤



澤爲滋息。生息則知息者生氣而非止氣也。如宿火于灰。灰煖而火活。傳薪則然矣。是滿鑪都是燃體也。若止氣爲息。如燈一撲更無留燄。是死法矣。今俗人作夢是也。孟子說個日夜便是箇通乎晝夜而知須知此氣時時出時時入。如日月之代明。潮汐之往來。卽其息處純是生生不已。機括就出。作時亦自有入。息在非專以入爲息也。有道之人。日日應酬。俱有個安頓道理。忙時能暇。煩時能簡。陽明先生師旅倥偬。尚自



講學不輟。此非出作時是入息乎。草木鬯於花  
果。而晦于根。寧一刻不發生。寧一刻不息也。只  
是草木是花果。至根通是元氣流轉。元氣不全。  
生亦不生。息亦不息矣。人生須是完全箇元氣。  
所謂敬以持之。定靜安慮皆從敬出。敬則無思。  
敬則無事。無思無事。是事物主宰。所謂萬境自  
閒。人心自閒。看得閒心。便覺境亦不閒。安見息  
因乎地也。今不求息地。但求息本。自晝至夜。遇  
事煩擾。能不忙亂否。夢境能清徹否。言語能不



多費否。意氣能不發揚太過否。知見能灑脫不  
橫據否。合則便是生息。所謂日用皆是元氣精  
鍊。如以炭養火也。不合則攘攘時已耗散略盡。  
雖瞑目危坐。亦是沉昏。不得言息。大抵世人只  
憑滋味養得血氣。口體所需。與百爲所耗。僅足  
相當。夜臥騷擾。神明遂令夢境多驚。多懼。或白  
晝宴居。尸寢便與離魂殼子一般。今人以莊嚴  
淨室臥離魂殼子。于中畢竟有何活意。所以諺  
云。閭門巷裏好讀書。蓋真讀書者也。叔和常言



設榻于座側凡交際誦讀著述遊戲倦則一息  
或朋友過談談久亦相對而息此亦一小安樂  
法也龍溪先生曰至人有息無睡息氣活而睡  
則遊魂百出矣正于作處觀息乃大安樂法也  
作息機說以告之叔和

石公云君子尚消息盈虛原只于自心叅取  
若一意馳逐生亦不生一味枯槁息還非息  
易曰艮其背不獲其身行其庭不見其人正  
是生息妙境知此者可與微言



懶仙云水以流常活樞以轉不腐君子自強  
不息又曰嚮晦入宴息正是動靜交相養之  
義



進士說

張溥

進士之名。昉於周官。當時與其選者。無慮鄉國之俊秀。層疊而達於天子。苟不得當。雖州遂大夫所舉。大司馬抑而弗聞。蓋其脊也。漢興以來。廢事草創。武帝卽位之初。首策賢良。董仲舒至。于再三。務究其意。論者推其崇尚儒學。罷廢百家。三代而下。文治攸始。然舉士多科。不稱進士。卽時遣使巡行。申蔽賢之罰。要所升次。崑郎山。堯類登華。要不聞專塗簡冊。一於繩墨。迨隋開



進士之科。唐設殿試之制。取士條格獨此優最。天下士爭趨之。不繇斯塗者。雖厠身鼎槐。負愧山谷。於是功名之路。齊於一致。他品淆繁。難與並轍矣。宋分進士明經二科。無大輕重。王安石獨申明經。以抑進士。意欲黜離詩賦。盡歸經術。而矯枉過甚。其流偏激。南渡以後。卓犖深通之倫。多出於進士一科。夫固知榮顯之號。王者藉以摩厲天下。人情所同。未容一人私觭也。國家取士。昔尚簡要。使人易遵。南宮之選。典最隆鉅。



四海嚮風并心一意酌諸往古可謂不煩間有  
憂者疑立法峻隘未盡人材惻然當代欲爲格  
外之求其說曰楊士奇拔於貢士徐熙起於獄  
吏初典具在以循而行之固可爲也是殆不然  
國初風尚敦朴人鮮僥智故不就科目者猶有  
潔方守正之士隱名其間寢尋而降榮徑日開  
利巧之徒穿鑿求用專一法以制之尚患不正  
况導之乎蘇軾有言上欲舉廉下皆敝車羸馬  
上欲舉孝下皆剖股廬墓夫徵士於鄉其僞且



然○推○斯○以○往○其○原○曷○正○是○故○程○弓○撥○矢○不○足○以○  
得○將○帥○之○才○削○墨○引○律○不○足○以○畢○公○卿○之○智○與○  
其○數○變○法○而○無○當○也○莫○若○舉○舊○法○而○申○儆○之○進○  
士○之○所○以○爲○高○於○時○者○以○其○選○之○之○難○也○其○所○  
以○選○之○難○者○以○其○學○之○皆○出○於○聖○賢○也○羣○一○國○  
之○人○而○選○之○合○數○十○人○而○始○得○一○人○既○聚○一○國○  
之○所○選○合○天○下○而○選○之○又○數○十○人○而○始○得○一○人○  
此○一○人○者○天○下○之○所○望○也○惟○此○一○人○之○所○恃○者○  
深○是○以○抗○然○自○進○而○以○爲○不○疑○惟○天○下○知○此○一○



人之所恃者深。是以其爲之下。而羣相慕效。使  
不責之以實。將何勸乎。成周之世。國學始建。魯  
周公子伯禽。衛康公子牟。齊太公子伋。皆與成  
王游。後盡爲卿輔。以光王室。及其衰也。且不免  
皇父暴公之刺。然則紀今日得人之盛。欲爲永  
久不傾之理。寧無道以靜之歟。昔之論治者曰。  
古之政與教一。而今二。古之養士與任官同。而  
今異。兩者皆害之大者也。革其弊而務本焉。胡  
瑗之分齊以教。朱熹之限年爲讀。庶今日其可



興乎是在作人者加之意而已矣

懶仙云稽古進士科始於隋大業中盛於唐  
貞觀永徽之際縉紳雖位極人臣不由進士  
者終不爲美以至歲貢常不減八九百人其  
推重謂之白衣公卿又曰一品白衫其艱難  
謂之三十老明經五十少進士其負侔儻之  
才變通之術蘇張之辨說荆聶之膽氣仲由  
之武勇子房之籌畫弘羊之書計方朔之詼  
諧咸以是而晦之修身慎行雖處子之不若



其有老死于文場者亦無所恨○至昭代鄉會  
舉選極其慎重○究竭材効忠難其人○况可責  
不繇科目者乎○讀此則讀書明經之士可不  
知所自審哉○







英雄氣短說

周 銓

或者曰。兒女情深。英雄氣短。以言乎情。不可恃也。情溺則氣損。氣損則英雄之分亦虧。故夫人溺情不返。有至大殺而無餘甚矣。情之不可恃。有如是也。

周子曰。非也。夫天下無大存者。必不能大割。有大忘者。其始必有大不忍。故天下一情所聚也。○忠○孝○皆○是○深○情○情之所在。一往輒深移。以事君。事君忠。以交友。交友信。以處事。處事深。故國風許人好色。易稱



歸妹見天地之心。凡所爲情。政非一節之稱也。通於人道之大。發端見女之間。古未有不深于情。能大其英雄之氣者。以項王喑啞叱咤爲漢軍所窘。則夜起帳中。慷慨爲詩。與美人倚歌而和。泣數行下。漢高。雄才謾罵呼大將如小兒。及威加海內。病臥床席。召戚夫人與泣曰。若爲我楚舞。吾爲若楚歌。歌數闋。一慟欲絕。嗟夫。此其氣力絕人。皆有拔山跨海之槩。乃亦不能不失聲兒女子之一顧。他若如姬於魏。信陵夷光于



范少伯。卓文君。於司馬相如。數君子者。皆飄飄有凌雲之致。乃一笑功成。五湖風月。與後之自著犢鼻。與庸保雜作。滌羈於市。前後相映。嗚呼。情之移人。一。至是哉。余故謂惟兒女情深。乃不爲英雄氣短。嘗觀古來能讀書善文章者。其始皆有不屑之事。後乃有不測之功。觸白刃。歿患難。一旦乘時大作。義不返顧。是豈所置之殊乎。竭情以往。亦舉此以措云爾。余故曰。天下有大割者。必有所大存。蓋不係于一節而言也。乃後



世有擁阿嬌思貯金屋曰吾情也噫烏足語此

不可無此辨

嬾仙云登徒子非好色者是有淫行淫者無  
情人也易子咸卦曰觀其所感見天地之情  
可見兩儀相對天地便是情種

山脈風日與雲之自  
黑時秋幾水千  
春春顯顯



李道學說

湯廷璉

吾友初濤李子行道之人。識與不識。皆指之爲李道學。云客有笑之者。湯子曰。不笑不可以爲道。此足堅初濤之志也。夫初濤于鋪餽餽醴之世。奉伊洛關閩之教。其步趨眉睫間。若有一道學先生行于前而已。踵其後者。此道學之名所以歸也。初濤蕭然四壁。絃誦不衰。則道學而窮善飲工詩。命童子賣菜自給。詩成輒飲。飲復以詩爲下酒物。近且避地塘西躬自當鑪以糊其



口。妻。子。奴。婢。皆。能。自。得。則。道。學。而。達。然。性。方。有。  
潔。癖。衣。履。垢。拂。拭。再。四。不。止。取。與。過。弄。雖。密。友。  
懿。親。有。贈。亦。不。納。則。道。學。而。迂。然。使。十。年。之。後。  
初。濤。仍。守。此。窮。而。達。達。而。迂。者。以。與。吾。黨。遊。吾。  
亦。不。復。呼。之。爲。李。初。濤。矣。呼。之。云。何。曰。吾。從。衆。  
懶。仙。云。窮。而。迂。是。道。學。人。本。相。其。達。處。又。是。  
道。學。中。變。相。○此。種。道。學。却。難。爲。了。妻。子。童。  
奴。親。友。一。班。



秦人藏書說

闕士琦

當秦之時。天下欲爲亂者。十室而五。自意爲釜中之魚。枕上之肉。亂亦歿。不亂亦歿。背城借一。以爲甘心。憶此時有所爲。而不可許。身與無所爲。而不肯求歿者。獨白面書生耳。余邑避秦人其一。淵明稱先世率邑人妻子來此。遂不復出。而世或以爲隱。或以爲仙。皆非也。余觀古今人稱大酉小酉爲秦人藏書之室。沅澍之間。踪跡無所。考疑舟車所至。寄託斯存。卽余邑避秦人。



所藏歟。丹岩碧巘。固野客之天祿石渠也。考史  
松栢客。鹿馬臣。起六國。如不然之灰。與秦首  
爲難者。楚陳王涉耳。天不喪文。先開我楚。于時  
藏書之功在著書之上  
縉紳先生。抱禮罷往歸之。而孔甲亦爲陳博士。  
百城四庫。遂已在楚。迨夫假王旣誅。莊賈肆噬。  
聖賢寄命。有如亡子。然後汗牛盈車。不惜間關。  
跋涉。爲名山之藏。則秦火未燄。固有大力者。  
負之而走矣。故余嘗謂秦坑儒。楚歸儒。秦焚書。  
楚救焚。人知罪秦。不知功楚。此千古來一段不



平公案。然則秦人者豈在河內女子濟南伏生  
之後。而漢武漢成所求。劉李伊任所校。此固爲  
自有書籍以來。金城湯池矣。余聞蠹魚三食神  
仙字。爲脉望。而侯道華亦曰。天上無愚情仙人  
則夫。丹竈暖寒。白雲昇降。木花開落。山中無定  
之秋。父子戲嬉。天上無愁之侶。豈復人間漢魏  
事耶。謂之仙也。亦宜矣。

曇隱云。意欲張楚。不必有是事。此說出。便令  
桃花源與宛委相匹。



卷之五

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and small dark spots. A prominent, large, irregular dark stain is visible on the right side of the page, possibly from water damage or mold. The overall tone is a warm, off-white or light beige.



二杖說

譚元春

郭子聖僕有二竹杖焉。其一純白而種方。吳公  
匏菴手自刻銘。其一甚圓。質似常竹。然光瑩皆  
可鑒。自二杖鏗鏗然出于瓜甲也。凡所用之歲  
時。用之者之精神。童僕之敬慧。主人之間無事。  
乍若見于髣髴光輝之中。予客南都。過郭子。郭  
子潔蔬食。出法書唐硯佳筆。舊紙墨。相愛樂。而  
自提一杖。欹側散緩于其旁。時以袖指優游之。  
惟恐傷偶。入市訪人。曳一杖自隨。遇其日所用



之杖。或方或圓。俱若有意者。與人相見。令童子  
接杖。然後揖。予謂郭子形僻而性獨。當恆接于  
其前。以救。酌對之太泛也。當恆與之坐起。以救  
人。之。面。目。大。熟。近。也。而郭子則非其杖。不出杖。  
亦。若。有。助。焉。爾。予歸楚。郭子送之舟。再拜曰。方  
竹杖得之金一甫。圓者爲丹泉周叟所貽。二老  
者皆年七八十。不留以自扶衰。肯贈我。我守之  
至死。以報二老尚不足。願爲我明其意。使巧奪  
者塞望。夫苟明此意。以塞人之望。有餘矣。然郭

子之與其杖也。相依如家人。相嗜悅如田宅美女。相發如神理。相得如朋友之無所爲而交深者。卽杖之出于匏菴。與匏菴之自爲銘。皆非其所重。決不盡以二老者故。維予曷敢隱諸。乃歌而別之曰。子涼涼。非二杖。疇發其光。子踽踽。惟二杖宜與處。

曇隱云。高流用意處。每于瑣事微物。有一段不可解之情。視夫愛古董者。尚未免俗也。懶仙云。李衛公方竹杖。爲世所寶。贈甘露寺。



儻乃規圓而漆之。惋嘆彌日。如郭君者方不  
負所用耳。

人壽杖壽兩難。與齊受護之歎同。美田定歌。童舞女玩好。  
古董彼壽無期。或遭水火。家貴乃壽。自我勞形。被奪大  
塊。何我何爾。造諸苦。心遷移。造化聽直便直。

松栢說

卓人月

楊椒山曰松栢雖歲寒不凋然色視春夏時少  
異矣○及至春夏則欣然蒼翠若與桃李爭芬芳  
者○不知歲寒之色爲本色耶○春夏之色爲本色  
耶○然則松栢固隨時而異也○吾人之操常變合  
一○當出乎松栢之上○李龍湖讀而喜曰○誰敢翻  
孔子公案者○余曰此言不足以翻孔子○乃椒山  
之言則可翻也○詩云其容不改又曰其儀一兮○  
可謂善言君子矣○然其咏君子于治世則藹藹



焉○濟○濟○焉○離○離○焉○翼○翼○焉○其○咏○君○子○於○亂○世○則○

悄○悄○焉○惻○惻○焉○庾○庾○焉○瘡○瘡○焉○雖○欲○一○之○安○得○

翻得無一字可置駭

而○一○之○夫○椒○山○但○知○不○一○者○之○爲○小○人○而○不○知○

不○一○之○中○有○君○子○也○但○知○君○子○之○必○出○于○一○而○

不○知○一○之○中○又○有○小○人○也○邦○有○道○穀○邦○無○道○穀○

非○小○人○之○一○乎○邦○有○道○不○變○塞○焉○邦○無○道○不○變○

塞○焉○非○君○子○之○一○乎○邦○有○道○危○言○危○行○邦○無○道○

危○行○言○孫○非○君○子○之○不○一○乎○邦○有○道○貧○且○賤○焉○

邦○無○道○富○且○貴○焉○非○小○人○之○不○一○乎○是○故○一○不○

妙論潤糊

一○未○足○以○定○君○子○小○人○也○顧○其○所○爲○一○不○一○者○  
何○如○耳○當○春○夏○之○交○而○不○許○松○柏○有○鬱○葱○之○色○  
則○是○禹○湯○文○武○之○世○而○責○人○以○龍○比○蓑○弘○之○事○  
也○當○歲○寒○之○時○而○不○許○松○柏○有○黧○黧○之○色○則○是○  
哀○平○靈○獻○之○世○而○責○人○以○枚○鄒○司○馬○之○業○也○使○  
椒○山○而○前○乎○此○而○生○或○後○乎○此○而○生○主○聖○臣○良○  
國○家○宴○清○椒○山○亦○唯○有○講○學○明○道○著○書○立○言○耳○  
不○則○井○田○庠○序○大○其○狄○道○之○施○天○文○樂○律○宏○其○  
苑○洛○之○傳○耳○如○必○痛○哭○流○涕○排○閭○闔○而○櫻○逆○鱗○

卽就椒山發論



以賣名聲于天下。抑何其不祥之尤乎。不幸而  
適當侯鸞開市相嵩執柄之日。而後得以奮其  
捨身報國之志。以灑此烈烈轟轟之熱血于人  
間。假此時而猶將慫慫媿媿修其好人之容。揖  
讓周旋以相與坐觀成敗而勿之動色焉。吾有  
以知椒山不能則又安得而議松柏哉。是故松  
柏之鬱葱于春夏。未可短也。豈惟松柏卽灼灼  
桃李之花。要亦文章之士之能黻黼于太平者  
而。未。可。短。也。松。柏。之。黯。黯。于。歲。寒。未。可。短。也。豈

惟○松○柏○卽○蘭○摧○蕙○折○于○風○雪○之○中○要○亦○氣○節○之○  
士○之○盡○命○于○權○奸○之○手○者○而○未○可○短○也○繇○斯○以○  
談○卽○椒○山○亦○不○過○與○蘭○摧○蕙○折○于○風○雪○之○中○者○  
等○耳○而○未○得○與○于○古○之○挽○回○造○化○幹○蠱○而○開○泰○  
者○也○而○又○安○得○而○議○松○柏○哉○總○之○其○變○者○其○色○  
也○其○不○變○者○其○品○也○其○用○也○如○以○色○則○諸○草○之○  
中○儘○有○所○謂○雪○裡○青○者○此○蓋○如○魚○魚○鹿○鹿○之○人○  
世○治○不○能○爲○能○臣○世○亂○不○能○爲○奸○雄○無○非○無○刺○  
無○災○無○害○以○永○其○天○年○者○也○而○不○得○與○松○柏○較○



品○卽○僅○以○其○品○則○竹○箭○之○有○筠○也○貫○四○時○而○不○

高○士○尚○不○得○此○松○柏○是○獨○識○

改○柯○易○葉○然○亦○第○如○山○中○高○士○徵○之○不○出○兵○之○

不○出○火○之○不○出○堯○舜○之○時○不○出○桀○紂○之○時○不○出○

而○不○得○與○松○柏○較○棟○梁○之○用○品○具○矣○用○具○矣○則○

春○夏○而○葱○翠○其○本○色○也○歲○寒○而○黯○黯○亦○其○本○色○

也○而○又○安○得○而○議○松○柏○哉○且○夫○椒○山○之○議○松○柏○

也○以○其○隨○時○易○曰○隨○時○之○義○大○矣○哉○孔○子○曰○君○


子○而○時○中○東○方○朔○曰○聖○人○之○道○一○龍○一○蛇○隨○時○

之○宜○無○有○常○家○夫○隨○時○何○病○焉○獨○不○可○爲○詭○隨○

者○道○耳○

曇隱云從來贊松柏○皆以節義之士當之○夫  
古來大節義人○未有非大經術人也○少陵古  
柏行云志士幽人莫怨嗟○古來材大難爲用○  
嗟乎士君子不得志于時○而徒以節義見也○  
豈世之幸哉○





觀演戲說

鄒迪光

今夫一人之身。而君侯王公鼎臣力士。輿胥國  
牧傭賃。扈養。以至宮娥閨婦。棄妻怨女。及一切  
鬼薪城旦之類。靡所不爲。一時之內。而哭泣嘯  
號。呻吟叱咤。垂紳正笏。曲拳擎跽。揚目張膽。捧  
心效顰之態。靡所不具。一席之地。而八絃六合  
九州四海。爽鳩氏以來之事。靡所不該。纏頭貼  
額。塗墨舒粉。分形易貌。鼓其舌而搖其唇。若優  
孟學敖。必求其似。使人見而且懌。且憺。且喜。且



文章豈易為  
塘影夕清輝  
而東名此  
少一戲耳  
柱石

怒且艷慕。且厭憎。不煩絲竹管絃。不假斧鉞華  
袞。而七情錯出。五內無主。而謂之戲。噫。此誠戲  
矣。然人生亦一戲耳。大塊宇宙亦一戲場耳。淮  
陰餓夫。登壇秉鉞。咸陽刀筆。通侯胙土。大將家  
奴。東陵故侯。蜀山之銅。不救餓死。商于之富。亡  
補車裂。苧蘿村子。席寵吳宮。邯鄲才人。下逮廝  
養。銅爵荒涼。黃犬咨嗟。食桃亦愛。亦憎。失馬亦  
禍。亦福。萇弘之于血碧。望帝之于杜宇。高臺傾  
曲池平。慶者在閭。弔者在途。此非一人之身。而

妍醜異狀。一生之內。而寵辱多岐。可駭可愕。類  
若一戲者乎。不獨人生一戲。卽天地亦一戲。時  
寒時暝。時雨時陽。時而景星靄雲。時而暈適抱  
珥。時而醴泉出。嘉禾生。時而川涸山崩。歲惡不  
入。白雲蒼狗。滄海桑田。不可端倪。不可符質。夫  
非一戲耶。故林林生類。莫非傀儡。種種世事。盡  
屬俳優。茫茫今古。何非角觝。而世人不察。知戲  
之戲。而不知非戲之戲。據微乘邪。窒隙蹈瑕。以  
求必得。往往寄情破甑。徘徊前魚。楚鼎垂涎。和



門置足。著論美新。爲表勸進。問年唐主。買卜季  
主。一味中庸。四時游宦。團扇興詞。黃金買賦。畏  
讒虞譏。患得患失。無所不至。使造物因而黷弄。  
鬼神用以揶揄。妻孥臧獲之屬。亦且竊竊然顧  
而姍笑。以吾爲戲。而吾不知。吾且巾幘婦人。沐  
猴而冠。儼若一優人也者。而吾亦不自知。反令  
梨園賤工。得以摹寫彷彿。爲千古笑具。噫。亦愚  
甚矣。此一戲也。瞿曇氏之謂幻。漆園氏之謂夢。  
子輿氏之謂假。夫假者。假吾之是而爲是者也。

又安知吾是之非假乎。又安知吾是之是非彼  
假之假乎。浸假而以太始爲神叢。以后地爲土  
偶。以元氣爲野馬。以萬物之屬爲芻狗。與汝去  
而聲色之鄉。逃而名利之圃。舍而腥羶臭味之  
域。而栩栩然洋洋然。逐于亡何有之國。廣漠之  
野。孰爲戲耶。孰爲非戲耶。夫惡乎戲。惡乎非戲。  
惡乎假。惡乎非假。亦惡乎非非戲。亦惡乎非非  
假。吾何知哉。吾第以戲言評戲事。且戲書之。  
萊友云。人生一戲。然不得不聽命于點戲者。



窮通得喪○悲歡離合○演戲人不得而主也○但  
生旦淨丑任人自扮○請勿自塗面孔○須尋好  
脚色○

此批佛頂首陀羅尼心印

女山人說

譚元春

山人者客之挾薄技、問舟車於四方者之號也、予曾入小巷、訪所謂瀾如女子者、門戶簾幕、不可識、辨問之巷口、人皆曰子問山人乎、此門中是也、予始恍然、瀾如善貌、蘭通書、粗知韻事、與一時素士交處、故一巷中相與山人之似、贊似、嘲此俱無足論、獨念世之爲山人者、歲月老子車馬名刺之間、案無帙書、時時落筆吟嘯自得、毒朝猥罵使前輩無所容身而好彈射他人有本之語、口舌眉睫若天生是



屬嚙噉人者。雖其中多賢者。然天下人望而穢  
其名者久矣。而今以其名集。瀾如。瀾如樂而受  
之。戶外之屐。來求一觀。山人各當其意去。退而  
省其私。或自厭其尾瑣之言。輕其錢穀之好。陳  
其篋笥之書。亦有以迴旋其面目曰。吾不如女  
山人。由是觀之。山人固以喪風雅之名。而女子  
反以存山人之實。則何也。山人之名實未嘗不  
美。吾又不敢以男女之迹論。惠中之人。韓昌黎  
稱秀外而惠中。今吾友在草莽者。非一人。有秀

外而惠中者焉。是亦男子之濶如也。吾仍爲存其山人之實而去其名。使無射于世。吾何恡焉。金十公劉同人俾予爲說。堅濶如所尚。予之說固如此。

曇隱云。人亦有言。旣稱山人。何不居山中。此語便令若輩口塞。若山人而女也。余猶謂不幸而有其名也。

懶僊云。古來女郎有魏元義妻胡氏。以女侍中名。陳孔貴嬪。以女校書名。唐薛濤。以女博



士名○宋韓蘭英以女進士名○韋逞母宋氏以  
女先生名○蜀黃崇嘏以女狀元名○未有以女  
山人名者○得譚子之品題○深所以愧男子而  
冒山人之名者也○

幻女說

黎遂球

南方海外之國。多幻術。師能使鬼爲執燭茗供客。客徒見燭茗出入。有孔氏子者。往從學之。則曰。且留爲我女婿。當以法授。於是見女夜與之處。美而艷。亟欲就之。輒展轉床蓆間。如隔牆壁。與語。則在索燭照之。婉變豐澤。來就人也。撫而樓之。又不可近。凡數夕。無如之何。孔氏子亦美。而艷女心動悅之。則曰。蓆間有紅縷一線。盍取而去之。去之乃遂得接合。爲夫婦甚歡。師知而



將殺之。其女以告。使亟去。且曰。幸以手執一雄雞。頂一鐵釜。行山谷間。劍有飛到。得雞若手指血。可厭而返也。對曰。若此贅我何爲。女曰。以子美。我故私而就子。其他或來與處。相狎暱。久不得接。彼將神蕩魂離。以至于死。死則師命我裸。程招之。故能役之。執燭茗以事客。以是爲贅耳。乃決去。於是相與訣別。甚悲。女曰。無爲思我。我固老且甚醜也。因脫其面。若蟬蛇蛻然。則且寧惡殊甚。孔氏子如其法。得出以免。或以語黎子。

配入警世恒  
書可作一劇

黎子曰固然夫色之美者皆能役人然而固未  
嘗美也

曇隱云心有所移自能造幻豈必有幻女哉  
亦何地無幻女哉大可猛省  
嬾仙云人生慾界中一點靈氣沉溺不覺安  
得幻女大有俠氣以脫面老醜一破其迷



書下  
卷一

常美也

樂午曰固然夫曾文美皆皆前人然而固未  
得此中一靈犀不覺其  
衣付此無以文諸大何益  
是則云以市視新自銷出  
豈必市以文諸

西音社議

韓詩

乙亥春王日邑侯張坦公先生舉西音社於邑之學古書院。糾禹都張肅尺先生主其盟。原之君子以詩名家。無不咸集。稱盛事焉。不佞詩從諸君子後。竊敢布管論以就正。其言曰。詩之從西舊矣。不必歌車粼鋏。駟詩之從西舊矣。吾師太青子之言曰。文章自西北而東南。東南嘗祖西北。是西者天下之首也。西方化人言多玄覽。老氏入關著五千墨。深刻退讓。皆得天之所自。



來而各壹其說。若文王江漢汝濱。惠及閨梱。西方之懷。比諸美人。情不失正。性不愿俗。嗚呼。盡之矣。余自擬諸風雅。未嘗愿字櫛句比。私謚於老先生之朴。而竊畏詩之未可輕議也。夫詩用之鄉人。用之邦國。王者風。諸侯風。莫不欲去其怨嫉邪辟之心。而歸於和澤道德之旨。詩之于人。猶水火然。固寒者利褐。饑者利糠也。諸君子亦既理身率物。譽之雅頌。莫可撝拾。區區紛紜。良求補以四勦五俗之翳解。庶幾不倍於說鈴。

乎。一勦曰溺。刻鵠酌性與情而安樂其聲越金  
度石者形真也。漢不襲魏。猶魏不襲漢。使儼然  
而叔敖之。則亦孟矣。况有吠之誚乎。古人一句  
百千萬億眼光投之。若萌初蒨。今之詩甫脫纒  
而涔涔欲痛者何也。正其胸中先坐一古人不  
去。古人且將怒其非類。不免螺蟲之哂已。二勦  
曰銷聲。雷司物者各副一面。眼耳口鼻本不相  
借。吳人五歲而浮。秦兒見馳而舞。其習異也。今  
將令一人歌。吳則必令一人舞。楚歌與舞集而



後樂成同以異也。若使人人掌上旋。昭陽殿。鹵簿寧得若許之留仙裾否。則亦當令東家絕倒。三勦曰。掃俗霧。曲終奏雅。綽約多風。人亦有言。少陵雅勝風。供奉風勝雅。是舍風雅而言詩。將等於羅江掛枝。一剪梅矣。血噴五字。髯斷半生。後世猶有隲爲鬼工乞相。而乃渾逐聖行酒簿。每刻一楮。俗氣逼人。青蓮華大寔應且憎。又安能登郊廟。奏明堂。匱琳琅之藉。齊青玉之案哉。四勦曰。正物性。治世之音。安以樂其政和。亂世

之音怨以怨其政乖故聲音之調與政通矣卽  
以昭代觀之北地濟南和溫廣大洋洋全盛之  
風公安貴稽刻削幽微難絕比世之感矧近日  
幽囚歿遁音見於篇洛陽之烏識者察其不祥  
翁仲之銘老奸惡而成識是以書生而作憂國  
之言滿楮長沙一俗也不諳雅典活剝曹錕二  
俗也終日趨名於朝爭貝於市旋踵躩也而夷  
其口無出塵之想描脫累之詞三俗也青樓買  
薄倖之名自附高放紅葉少留題之句空賦消



鬼文人而可無行。良璧寧貴有瑕。四俗也。見人  
才則嗤之。聞人善則掩之。樂談過失。凌侮老成。  
甚則訾詆古賢。荒唐正學。五俗也。諸君子比衆  
蘭之林。絕蕭艾之氣。同刪其勦。曷俟贅乎。惟刪  
俗則人心端矣。人心端而後雅道興。去勦則詩  
道正矣。詩道正而後風化始。此二張先生登高  
捷呼之意哉。人謂先生欲借詩說法。余則爲卽  
以詩說法。又何風俗之不可易。道誼之不可正。  
施之邦國。進之春王。諧美且善也。西云乎哉。

天生云。四勦五俗。道盡魔淫。而歸本于人心。  
風俗真溫柔敦厚之旨也。○濟南瑯琊公安景  
陵。可無蠻觸之戰。○





松議

文德翼

秦皇帝巡泰山遇雨息於五松下詔封松爲五大夫詔至一松曰余偃蹇山阿○此松差強人意行將老矣一旦受朝命恐天下有聞而非之者一松曰肆若號堅辭食邑猶不失名高一松曰夢余猶作公况身顧鬱鬱耶一松曰在夏后氏余則社稷臣也殷周改命已失其官仕秦無所可論一松曰秦虎狼也脫不受迫之以斧鑕余不知死所矣遂相率奉詔異日有述武陵避秦者五大夫愀然



曰○余○歲○寒○士○顧○不○及○艷○君○子○艷○君○子○雖○不○言○余○  
獨○無○愧○於○心○乎○

懶仙云○弘景松風○不○免○易○節○之○譏○嗟○乎○歲○寒○  
士○之○可○媿○者○豈○少○哉○

五大夫秦時官級名曰五大夫秩第五等也

五忠女論

李清

予嘗讀漢史至誦王莽功德事輒扼腕不已繼以撫掌夫若輩皆鬚眉耳白諂牘一貢而忽舉四十八萬七千五百餘人化作舌圓唇媚之婦女笄之價踴貴于冠亦千百年來之新奇也嗣後魏之操周之泰隋之堅南唐之昇皆莽之我輩耳而一時弁衫比肩羣作趨炎之牛後者大抵入朝如入宮而盡積爲踴步巧笑陰陰婦女之氣則吾反于婦女中得五忠焉曰莽女而爲漢



平帝后。操女而爲漢獻帝后。秦女而爲魏廢帝  
后。堅女而爲周宣帝后。昇女而爲吳太子楊璉  
妃者。是也。蓋此五女者。雖志存帝室。而體育權  
門。自父一而已。人盡夫也。之說一出。而剗辦所  
天者。衾席溫而戈矛已寒矣。雍糾所爲。隕身于  
祭仲女也。彼五女者。胡獨異焉。夫莽女之托病  
不朝也。操女之心恨索璽而有天不祚爾之詈  
也。堅女之憤形言色也。昇女之聞呼公主則鳴  
咽而辭也。人皆能知而道之。獨未有言及秦女

者史稱其志操明秀。好陳列女圖。則當帝之被  
廢也。必有停輿悲哭。哀感路人之義舉。而當帝  
之遇醜也。亦必有引卮同盡。誓不獨生之高節。  
乃史胡畧不書。而僅云以忠于魏室。罹禍也。吾  
以爲是皆有男子風。嗟乎。當葬等竊柄時。其不  
合舉朝之士。盡爲婦人。而心其心。態其態者。幾  
人哉。惟伐葬之翟義。劉崇輩。討操之耿紀。韋晃  
輩。謀泰之元烈。元孝矩輩。并圖堅之尉遲廻。抗  
昇之楊濛輩。猶不失男子真面目耳。以言乎葬。



世親如豐秀忠若邑丹皆持帚僞庭之婦女也

雖寂寞投閣之揚子雲亦疑去疑就廁婦女之

席而薄施粉黛者也女而男當推葬女以言乎

操世智如嘉曄武若淵遼皆進櫛權室之婦女

也雖終阻九錫之荀文若亦乍合乍離入婦女

之幕而難洗塗澤者也女而男當推操女以言

乎泰世畧如謹綽勇若豪祐皆擁篲私門之婦

女也雖抗節不拜之賀拔勝亦始伸終屈墮婦

女之葬而重加點抹者也女而男當推泰女以

言○乎○堅○世○謀○如○顏○林○壯○若○禽○弼○皆○奉○匱○霸○室○之○  
婦○女○也○雖○遲○疑○附○逆○之○李○崇○亦○初○違○終○依○連○婦○  
女○之○袂○而○甘○親○脂○粉○者○也○女○而○男○當○推○堅○女○以○  
言○乎○昇○世○壽○高○子○嵩○恩○密○君○太○皆○執○巾○簪○朝○之○  
婦○女○也○雖○扼○腕○勸○進○之○周○本○亦○心○忿○貌○順○沾○婦○  
女○之○塵○而○同○演○歌○舞○者○也○女○而○男○當○推○昇○女○夫○  
莽○不○嘗○以○男○臨○爲○太○子○安○爲○新○嘉○伯○乎○操○不○嘗○  
以○男○不○爲○五○官○中○郎○將○乎○泰○不○嘗○托○國○于○猶○子○  
護○乎○堅○不○嘗○以○男○勇○爲○洛○州○總○管○而○昇○不○嘗○以○



男景遂景遷迭輔吳政乎。凡所爲狼其嗜。蛾其  
態。甘踵若翁之故武者。以順爲正。有婦風矣。且  
莽等之欺人寡孤。孤媚以取天下者。亦婦人之  
班首也。故吾謂此五奸者。當女其子。而子其女。  
而此五女者。亦當不以父道事父。而以母道事  
父。何也。此爲不冠之真男子。而彼爲不笄之真  
婦人也。若內夫外父。則爲揚保宗婦。夫保宗婦。  
實魏公主。其勸保宗反也。曰事成當爲國母。夫  
大義未足滅親。而願爲拔本塞源之逆計。是首

亂也。若外夫內父。則爲西秦王熾磐后。夫后之  
父實故涼王儁。檀其勸虎臺反也。曰先王之薨。  
本非天命。夫父仇自是不共。而顧爲抱虎枕蛟  
之不報。是從惡也。故以魏公主配五女。則必標  
而出諸大門外。而以秦后偶五女。則當引而進  
之同席間。曰是或一道也。他若孝莊后而爲榮  
女。孝靜后而爲歡女。則始作君偶。終夷臣室。殆  
逐水桃花耳。夫嘗食護帝歡女。猶有人心焉。我  
父本卽自作。讀其對爾朱世隆言。竊爲榮女之



舌○可○剗○則○皆○婦○人○之○真○面○目○而○已○倘○以○此○五○女○  
者○執○簡○天○朝○則○必○書○杼○以○弑○書○盾○以○逆○而○爲○鋒○  
錚○之○女○太○史○者○也○不○則○持○杖○大○罵○其○毒○口○當○爲○  
雌○禰○衡○矣○故○吾○表○而○出○之○爲○女○中○男○子○而○以○其○  
巾○幘○婦○人○服○轉○贈○覲○覲○黃○袍○之○乃○父○可○也○

嬾○僊○云○花○蕊○夫○人○曰○四○十○萬○人○齊○解○甲○並○無○  
一○箇○是○男○兒○胡○澹○庵○曰○舉○朝○皆○婦○人○猶○不○似○  
此○數○朝○人○沾○沾○粉○具○巾○櫛○也○痛○快○絕○倫○不○謂○  
文○字○中○亦○有○如○文○長○漁○陽○撾○赤○水○之○曇○花○勘○

案○令人欲憤欲笑○欲痛哭而長太息也○





六妖姊妹論

李 清

快論解頤

蓋聞天地秀美之氣蓄則必洩其鍾于男而爲腹錦吻藻與鍾于女而爲頰朱眸綠皆鮮色也。然才子不世出而佳人難再得有同感焉。晉之二陸宋之兩蘇風雲珠玉繞寸管矣。乃華誕兄弟者或豔接姊妹其貌固輝珠而映玉也。其舌亦唾雲而噴風也。然而瑞妖則異。夫姊妹之爲妖也。蓋自援琴而歌美人者。曾入武靈王之夢。而孟姚娃羸已連袂而蠹趙宮矣。然蠱惑諸事。



不見史傳論者猶謂沙丘之禍胎焉乃其尤甚  
者則無如飛燕合德之于漢娥娥訓英之于燕  
而兩徐氏之於王蜀夫是六姊妹者其艷冶亦  
人中花鳥也比于名卉則芬擅蘭棠然兩卉之  
榮也異時而並榮則爲妖花比于佳禽則韻點  
鴻燕然兩禽之見也殊候而雙見則爲怪鳥物  
誠有之人亦宜然訪夷光于苧蘿鄭旦猶曰遜  
妍搜玉環于壽邸採蘋豈曰並佳何者好難兼  
也夫華非雙萼艷僅孤枝其明媚猶爲國孽乃

以有美一人。嘆矣。覩于天帝者。而姊誇臉蓮妹。  
羨腮桃。此非僅一雄一雌。同入紫宮。而猶爲不。  
鳴不躍之蟲者也。少小偎倚。則鏡狎雙蛾。覽圖。  
不妬于閼氏。長大供奉。則結贈同心。廣澤尤憐。  
于梁姬。若是者。妖乃愈甚。則有競翻風于舞袖。  
標浸玉于香水。如飛燕姊妹者。而不以傾漢乎。  
則有索凍魚于盛夏。思生地黃于嚴冬。如娥娥。  
姊妹者。而不以覆燕乎。則有前車之賦。遊方侈。  
後乘之咏。景復豔。如徐氏姊妹者。而不以敗蜀。



乎。夫粉黛薄耳。固于墻壁。山河堅耳。穴于狐鼠。迹其行事。未有甚于六姊妹者。然不僅若輩也。二劉分寵于聰御。則才而賢。當推其妹。鵷儀堂一諫。錚錚者。頗饒忠烈。乃昏主之心。彌蕩矣。曰。才多則惑。兩周繼儷于煜宮。則慧而韻。當推其姊。霓裳曲一翻。翩翩者。自醞風流。乃弱國之氣益荒矣。曰。慧過必迷。他如漢之二梁。晉之二楊。蜀漢之二張。柴周之二符。皆以姊妹稱。然數女者。半碌碌耳。非必燕啄鷄連。盡禍水也。乃不以。

身殞則旋以國覆意姊妹之不祥人國固數使  
然與然終不能爲飛燕輩解公子殞王孫啄矣  
誰刈漢嗣于中絕也土築怨辛含淚矣誰削燕  
祚于驟零也主嗟入草之辱族悲嘗刃之慘矣  
誰各挾倖臣而坐視昏童之失德也此六人妖  
矣吾乃知晉文分季隗于趙衰而伯符割小喬  
于公瑾者非僅解衣推食籠絡英俊之故智也  
美生並蒂而寵挾鴈行懼有不善焉夫兩隗狄  
女耳繪月點花或非其長故不爲晉之主臣累



彼伯符公瑾之不延其齡者未必非二喬之顏  
更奇紅命薄而累及兩雄也吁分而蠹身不合而蠹  
國乎則謂漢不傾于飛燕合德燕不覆于娥娥  
訓英而王蜀不敗于兩徐氏者此非窮源之論  
也故揭而示之爲六妖姊妹云雖然毒犬之虐  
斬袂之構人皆罪驪姬而不及其姊則爲妖爲  
瑞一反掌間耳若姊妹並進相與勵脫簪而廣  
妖貫魚乎卽以當宮中之左娥右英可也其人妖  
而不妖矣

嬾僊云。鳴湍叠濯。噴若珠泉。詭輝分麗。粲若  
雲錦。望之目眩。近之鼻芳。





倪雲林畫論

吳從先

畫一藝耳。然品既不同。情亦殊致。則係之其人矣。雲林之時。以畫名家者。富春則黃公望。林平則王叔明。武塘則吳仲圭。而雲林最後出。從公望遊。遂寄興於山水間。然不爲蠻蠻疊嶂。嶮崎詭怪之狀。盈尺林亭。瘦風疎雨。朗樹兩三條。修竹十數竿。茅屋獨處。曠石兩層。意興畢於此矣。然雲烟爛熳之致。蕭爽不群之態。意色不遠。平淡不奇。遂定名於三家之上。雖然。雲林竟以畫



累之矣。人固有以画重者。而画亦有以人重者。画以托意。意以傳神。山水之趣。不爲筆墨而飛。筆墨之間。偶緣山水。而合以此思。畫画可爲也。雲林當勝國之季。栖隱吳門。不求聞達。樓藏異琛。架藏異書。胡人登其樓。驚拜而退。揭斯探其架。長嘆而歸。襲等龍宮。帙散孔壁。古今之至人。文人之領袖也。而徒以画名也。士誠崛起麋鹿。吳宮。雲林浩然發桴海之嘆。而士誠幕羅多方。不屈。窘辱頻加。脫百萬于敝。徒撚虎鬚于牙吻。

而青山無恙。白骨不溜。斯又昂藏烈丈夫也。雲  
林自有逸于千百世之上。風於千百世之下者。  
在。而徒以画也。則垂巧當以官廢。右軍風流當  
以書掩。而壽亭忠義當與此刀並蝨矣。惟不局  
於画。則竹之矢。書之法。關之刀。不磨於天壤而  
卒無意於天壤也。造化自有以雄之者。而豈爲  
此拘拘也。不以画求雲林。而雲林自在也。以画  
求雲林。而雲林亦在也。以画求雲林者。目中無  
人。宇宙無人。天地直一幘耳。此雲林之本心。超



出於三家者是雲林之不以画累者也

○懶仙云○雲林画山水○不画人物○謂無人物可  
画○其胸中鬱結之氣○直欲寄之縑素外者○嘗  
曰○偶朕寄興○聊以自娛○益知世之以画家名  
者○當爲雲林所唾矣○

金谷序蘭亭記評

項煜

問錢穀與烟霞孰貴。曰烟霞貴。問殺軀與明哲孰貴。曰明哲貴。問豪遊與雅集孰貴。曰雅集貴。然則金谷蘭亭之聲價亦懸矣。乃當時有以蘭亭況金谷者。而右軍忻之。將鵷雛而腐鼠之慕耶。抑論文不論人耶。曰非也。文未有不論人者也。卽論人而季倫寔足令右軍慕也。天下之富人多矣。率湮滅無稱。其有稱者。意不但風流文彩亦必有深情一往。足以結一世之名人才士。



而訂千秋之勝。夫崇之不割一姬惑也。夫崇之  
不畏強禦義也。推此義也。可以處君臣朋友之  
間。宜其身毀而名留。家碎而文傳也。且夫崇之  
非一切富人。猶右軍之非一切逸人也。夫右軍  
鏡清言之禍。而慨想用文之日。晷痛喪亂以來  
無功可論。而願與朝賢思布平正。此何等心事  
哉。季倫之豪有豪情。可殺而不可辱。右軍之逸  
有逸情。出世而不遺世。蓋天下未有無情之士  
而爲名士。未有無情之文而爲名文者也。故夫

二子之不同者識也。其同者情也。求其同者見才人韻人之生氣。求其不同者悟居身涉世之良軌。則金谷也。蘭亭也。皆千古之可興而可觀者也。吾獨怪以彼兩者之勝地也。勝友也。勝事也。而其文皆見黜于昭明。則昭明亦士之不及情者也。

懶仙云。季倫嘗言。士當令身名俱泰。何得以寶牖語人。豈是碌碌守財虜。右軍爲會稽內史。曾檢較庫中有九萬。悉以乞謝公。然亦足



稱慷慨風流金谷自艷蘭亭實幽何妨比美  
季倫一代人豪宜乎右軍之心折也

牡丹記評

黃淑素 閨媛

居恒與張永淑氏評訂古今文字。議論畚駁。兩人極爲莫逆。然永淑氏多好鮮麗。予多嗜幽奧。大都取舍亦不相悖。維時春事大繁。卉香葉綠。臨清漳曲沮之間。憑花檻翠屏之上。盤桓反側。吁歛笑傲。旣而話及湯義仍先生牡丹記。兩人擊節。莫能置聲。永淑氏索予評之。予曰。西廂生於情。牡丹死於情也。張君瑞崔鶯鶯當寄居蕭寺外。有寇警。內有夫人。時勢不得不生生則續。



死則斷矣。柳夢梅杜麗娘當夢會閨情之際。如  
隔萬重山。且杜寶勢焰如雷。安有一窮秀才在  
目。時勢不得不死。死則聚生則離矣。至於驚夢  
尋夢二齣。猶出非非想外。寫真拾盡埋伏。自然  
鬼遊幽媾。懽挽冥誓。真奇險莫可窺測。回生婚  
走苦寓於樂。生寓於死者也。其白描手段乎。及  
後來大金兵馬殺過淮揚。麗娘以夢梅候伊父  
母。猶得人倫正道。是又以此處轉許多波瀾。後  
母女相遇。疑爲見鬼。亦人情之常。妙在死去三

年○又○得○復○生○後○之○人○能○死○不○能○生○乃○禪○門○絕○妙○  
機○鋒○也○更○服○其○淮○泊○內○有○一○白○云○看○古○來○婦○女○  
多○有○俏○眼○兒○此○語○乃○先○生○得○自○五○千○四○十○八○卷○  
中○而○關○頭○已○爲○打○破○幾○見○青○眼○中○多○男○子○白○眼○  
行○爲○女○子○耶○又○奇○在○岳○翁○再○三○不○認○女○婿○不○認○  
生○女○迂○迂○呆○呆○逼○真○老○頭○子○摹○樣○其○排○雲○掩○月○  
搏○虎○縛○龍○之○智○雖○班○劉○司○馬○當○推○左○席○豈○韓○非○  
楊○雄○輩○所○比○勢○哉○已○而○必○竟○不○認○水○月○鏡○花○復○  
得○陳○師○父○作○一○大○干○証○不○然○幾○活○屈○殺○生○魂○道○



作死鬼。昔麗娘若不讀書。今日亦無陳師父。可見女卽曾讀書。到死後終是受益。此雖謔語。亦有莊處。然而麗娘旣生。厥父尚疑其爲鬼。先生造意。豈徒以杜寶爲真迂呆之人哉。非也。總以死作主。生反作賓耳。今觀者我傳爾受。俱未知所以參究之。予讀之至詳確。窺其死於情也。永淑氏聆之曰。善。夫較書之秘思。以拙也。時樵鼓三催。黃鶯將舞。子焉駕香車而別。

懶仙云。建武朱觀以有內君黃佛子。猶宋季。

趙德甫之有李清照也○其評跋諸傳奇○手眼  
別出○想路特異○此拈情死情生○又於謔卷批  
點之外○添一省目○至云禪門機鋒○更得玉茗  
微旨○



辨

○

釋之代第一○自口至云○

○出○賦○器○林○異○此○林○書○英○計○主○反○欲○蕭○恭○

○法○蕭○甫○六○亦○李○散○照○少○其○信○想○蕭○軒○音○毛○

子卿娶胡婦辨

祝以函

世之所爲子卿扼腕者十九年不屈之節是耶  
非耶。乃子卿所持以還報漢天子者十九年不  
屈之心耳。卽其間所歷怒喜悲愁一切可駭可  
愕之事。舉飄風疾霆視之。區區胡婦有無胡足  
深辨。至爲千古不決之案也。蓋李陵所稱胤子  
孟堅。輕筆之史傳。陵于子卿爲執友。而良史稱  
孟堅。嗚呼。子卿九原其何辭也。獨不思子卿受  
詞衛律。引佩刀自決。單于萬衆旁睨股栗。猶曰。



意氣激耳。至于間關河海上。酸風苦霧者十九年。眇然以百千萬里外。如綫君臣之義。寄之乎危疑之節。旄顧獨一胡婦耳。心哉。此其事之有無。誠不足辨。獨念他日白頭歸來。母歿婦嫁。識者不以是爲子卿痛心。而輒以沙漠無據之事。輕蟻賢者。其謂之何。予以爲子卿卽有之。而內之丹衷。無恙也。外之節旄。無恙也。卽有之。安知非陽結天驕。而陰圖生入玉關。以報漢天子耶。此其事之有無。益不足辨。第所恨漢天子待之。

甚薄。而因以啓讒邪之口。則李陵一書未必非  
當時好事者假筆舌于陵。而深中忌者之意。後  
世信以爲陵書。而併信子卿有胤子在。蓋自孟  
堅錄而天下萬世惑矣。嗚呼。方子卿飲陵北海上。  
謂武父子無功德。漢濫爵通侯。願置肝腦自效。  
語語楚泣。陵爲感動。泣下沾衿。至引咎自責。陵  
之忌心結矣。何難以胤子誣子卿。此其事之有  
無益不足辨。而予所爲子卿扼腕者十九年不  
足辨。亦正讒口所以乘間入也。



陳韻中云新安文獻志載宋建炎中有朱勣  
者以校尉隨奉使行人在粘罕所數日便求  
妻室粘罕喜令于所虜人內自擇勣擇一最  
陋者人莫能曉不半月勣遂逃去人始悟求  
妻以固粘罕使不疑受其陋者無厭戀也今  
此辨料武爲陽結天驕而陰圖入門等語抑  
亦有感朱勣之事而爲此言耶  
懶僊云子卿餐鹽牧羊豈戀戀一胡婦耶十  
九載歸漢節義何等光明此以事之有無不

足辨使蘇老無憾千古





西子逐鴟夷解

薛 暉

吳以鴟夷浮子胥少伯懼焉遂號鴟夷子蓋晉  
陽增壘遺意欲以扁舟代革囊耳於越入吳浮  
西施于江令隨鴟夷謝子胥也後人誤謂踐苧  
蘿之風盟汎五湖以偕逝宋延清靚妝若耶之  
句杜牧之姑蘇一舫之章豈能與墨子爭後先  
吳越春秋較虛實歟以恒情準之句踐蠡惑未  
合至是然功成不退自古慙說施也何遽不種  
若哉少伯鑒胥亦鑒施矣胥借鄰援以覆宗國



施傾強敵以興故都。行事相反而兩國報功。畫  
一勒與同歸。今古盛才殊色。固春蠶夏犢。勲高  
禍烈。歟抑楚可覆也。申則復之。吳可霸也。施則  
傾之。生瑜生亮。天之忒胥可謂至矣。子胥而不  
句踐若也。生不必絕交于故人。歿不必修郄于  
宮闈。臣各爲主。寃愴略同。又何足憾。且施寧與  
子胥同日歿乎。抑與越王同日生也。彼烏喙獠  
翁。豈解玉牀珠箔。響屣流香風味耶。更有惑焉。  
越之憾胥。百倍夫差。豈碎玉投璣以相報謝。毋

亦類曹瞞狡獪其糜關羽同鍋一室歟此豈特  
明燭之節忠魂所矜栢舟之義或亦芳魂所勉  
也興越殉吳功崇義烈謾謂迎桃嫁李逐浪隨  
流不重爲吾吳玷歟

雙輪自記云客有謂筐篚壺簞三吳定例朝  
館娃夕五湖者筭禕負屈千古何況衿珮著  
說解之以見原無定例可循也

懶仙云西子雖生於越實蕩於吳夜月相思  
夕陽回首點綴太湖多少風景范蠡一棹未



必非西子教之風波胥口○亦以弔瑤夷之纛  
耳○余謂西子至今尚在可也○

土偶對

李光縉

海岸有古祠奉捍沙神者。余暇日過之。循其垣。則惡木糾然而烏鳶噪其巔。入其戶。則毒草芴然而蛇虺蟠乎中。有屋焉。仆而不支。有像焉。剝而不完。老巫揖而進曰。是祠閱五百春秋矣。嘗能以禍福恐乎人。有疾必禱。水旱必禱。海賈泝濤往來者。必禱。神皆應之。如響。百穀歲登。無蜚蝗霜雹大疫之災。人既樂業。至者如歸。由是剪荆棘而宮室之。或光怪夜見。髣髴金支翠旗。自



天而降而日有事於是者麤至及其廢也或玩而侮之神亦不能禍福於人豈盛衰關於造物者乎余曰是土木而衣冠也昔非神也而神之者人也今非弗神也而人弗之神也若何怪焉是夕宿于祠之旁有介而弁者見於夢曰吾旣辱子子何毀之過耶子見吾土木而衣冠也獨不見衣冠而土木乎小而爲邑邑有令大而爲郡郡有守其於禍福甚於神也罷軟者苟祿貪縱者敗法非守令而土木與內附百姓外柔四

夷○生○殺○係○其○喜○怒○黜○陟○由○其○向○背○執○天○子○之○柄○  
而○位○百○僚○之○首○不○啻○神○之○魁○然○而○貴○者○也○出○則○  
陳○兵○而○驅○入○則○復○壁○而○居○目○瞽○而○黑○白○相○混○耳○  
塞○而○淫○雅○不○殊○非○宰○相○而○土○木○與○吾○假○丹○青○之○  
飾○而○託○乎○太○陰○使○玩○者○有○時○而○懼○彼○肖○天○象○地○  
握○珠○玉○被○錦○繡○且○偃○偃○焉○尸○居○而○鬼○躁○未○始○見○  
德○於○人○子○奚○不○以○誚○吾○者○誚○彼○與○萬○金○雖○積○不○  
救○然○臍○之○禍○三○窟○徒○營○豈○免○排○牆○之○厄○吾○恐○棟○  
焚○而○及○巢○燕○基○圯○而○殃○穴○蟻○而○不○爲○吾○祠○之○毀○



者幾希。予應之曰：汝之所斥者似矣，而非其實也。昭昭者或愚，皎皎者或污。安知其力足有爲而時不可爲乎？介者又曰：胡廣歷六帝而無稱於時，一盧懷慎耳。張華、裴頠禍至而不省，一曹爽兄弟耳。人物不同而同爲土木，余無以詰。覺而識其語，將獻諸上，懼執政者不悅也，故止。

懶仙云：規刺嚴切，似有所指。向俱傳爲具作。

今得之清源洞集中。牀頭捉刀，自露英雄本

色。余特拈出，使今守至宰相，各置一通。以當

箴銘

拳喻

趙南星

里中有二猛士舉其拳若閔故易歐人其一人尤甚其一人歐較少然恆指使之曰歐甲則甲歐乙則乙鄰叟之親友尤多傷者其一人偶遇一大力者歐于市再三竟被歐傷俚倡而歸見人輒罵鄰叟或曰誰歐傷爾者而罵鄰叟乎曰是其人幸吾之傷也人以告隣叟隣叟曰是惑也余少年時嘗遊于輕俠之場第不好歐人而惡歐人者使當我少年時則將盡力歐之今懼



而歛其拳以安後來者。今力不能折春蠶之股  
矣。坐視親友之傷而無可如何。今彼亦被傷。幸  
誠有之。此豈待億度哉。其一人亦罵隣叟曰。是  
其人陰險。每私謫我。隣叟聞之曰。是又惑也。吾  
之親友被傷者多。我不能無怨。乃必欲我無言。  
我癡耶。讐耶。瞽耶。瘖瘂耶。而能無言耶。言生于  
怨。將稱頌盛德耶。何謂私謫彼之歐我親友。未  
嘗先告我。我愬之所知者。必欲先閑說耶。何謂  
陰險爲我者甚苦矣。親友皆傷。而又被罵。雖然

亦幸甚親友之傷者皆怨我曰爾不知何以得罪於人而禍及親友我無以應之今其交罵我也可以有詞於親友矣豈非幸哉或又曰彼謂爾有同謀者曰有拳而不歐易怨而不懃者未之有也奚其謀奚其謀

懶仙云曾子行恕當無一事忤人而放流之論諄諄瘳惡孰知三省者之爲金剛劔乎南容慎言當無一語傷時而羿寡之喻咄咄逼人孰知三絃者之爲塗毒鼓乎讀此知儕霍



寓意良深

衣幸甚則丈之新音皆然矣曰何不暇而以此

輞川述

馬世奇

頃棘書報罷二三兄弟鍵閉却掃獨巒穉時時  
挾平頭奴蹙蹙而至至則茶鐺酒白麈尾胡床  
搔首青天目無今古余輒作元龍百尺樓豪舉  
狀家仲亦復爽爽似宣武跨馬楊稍時而巒稚  
獸○翩○蹻○有○松○石○問○意○曰○此○風○景○何○必○減○輞○川○忍  
令摩詰數語埋沒五濁惡世中遂無後身余自  
分堪通邛笮古道恨少裴十耳意蓋指余兄弟  
也余笑謂巒穉屬在行間寧便得以旗鼓假人



卽鷄肋無味。阮家犢鼻褌。故不堪供養白眼耶。  
巒穉絕倒。以爲名言。乃強索四方行卷。分部校  
閱。而見獵心喜。顧獨左袒小題。于小題中又猷  
提鼻。今粉白黛綠歌。吳唱越語。間持古雲間震  
澤諸名家爲之榜樣。丹黃橫集。紙落如飛。遇快  
心處。便似撫琴動操。衆山欲響。輒狂叫摩詰摩  
詰。何得以輞川驕我。則又相與拍掌絕倒者。久  
之。居無何。奚囊填溢。介紹副墨之子。以見余笑。  
而謝曰。去矣。無所事子。不佞束髮而從諸君子。

後志凌神厲自命千秋每讀晉人說至廉頗藺  
相如雖千載上人凜凜恒如有生氣再詠唐張  
學士功名恥計擒生數直斬樓蘭報國恩二語  
則兩腋習習風舉狂謂有心男子豈必在龍泉  
太阿間今頭臚浸浸長矣蠻觸如故而修名未  
立赫蹏片紙落人睂睫屠沽兒便翾三寸舌擲  
揄其後爲爾宋宋不令鄧禹笑人耶去矣無所  
事子副墨子前致辭曰否否君輩苦心此道自  
謂可鼓吹三唐鍼砭俗耳久矣指顧春光山泉



無恙。試手是編踏青陽而問之。不勝似斗酒雙  
柑。往聽黃鸝聲哉。如有翳三寸舌。擲檢而至者。  
請爲君笑而謝曰。此是落第秀才消閑生活。不  
可有二。不可無一。函谷關直一九泥封之耳。余  
與巒穉。乃復拍掌絕倒。令家仲汰其半而授焉。  
時雪花六出。四望俱白。呼青州君擊節一過。忽  
忽暗香疎影。浮動几案間。已如登九龍最高峰。  
看孤舟簑笠翁。獨釣寒江之凍。摩詰摩詰。果不  
得以輞川驕我矣。余所懊恨者。正以險麋側律。

種種作惡不欲復以書生面孔博排場謗譽云  
爾摩詰云深林人不知明月來相照余終愧其  
言○

懶仙云太白與人談論俱成句讀此又以句  
讀爲談論不愧梨花○





山庭廻移

黃道周

岷峨鄰幸鍾嶽同寅。遡衷於帝。哀世無人。覽烟  
馳之妙旨。翔霞牒而更陳。夫以挺壚同故。毓孕  
殊緣。分爚耀於星野。敷葱蒨於芳荃。申降神而  
輔籙。山出器以登玄。蓋顯相則庸。而陰橐者捐。  
雖隱現存乎其人。而翔潛標於所處。故寶有不  
愛之心。臣稱不蔽之舉。若其下上從飢。吸呼在  
氣。等浮蓋以若塵。擬方輿而如屣。泳洄出蓼水  
之間。翱翔在伊洛之涘。斯言抹而何駒。雖向留



其莫繫蓋亦鮮矣。亡所用之。如必律清尚以涓  
彭。責潛夫爲叩。疏嘘之。而不揚載焉。以莫馭。莫  
英與宿莽以同枯。靈菌與茸卉而共瘠。何生者  
之。已靈而托之。恐不克執用爲符。不亦固哉。若  
夫尺寸著異。巖廟共賞。取材於藪。因膏於壤。遞  
起。遞臥之司。爲晝爲夜之掌。守離珠以餌鳳。耀  
若華之垂幌。煜澤媚川。還蛇飛爵。或有山而溢  
銀。豈無荆之泣璞。金玉下羸。滂蔚上薄。揣維君  
子。又曷不然。所以傳巖不逃賚。彌之徵。有莘亦

負忍詬之議。易彙崔鳴之章。詩同鴻漸之青。車  
畫墻於山雲。路成谿於桃李。帛在園而有賁。虎  
從風以獨起。於是赤霞爲之建標。巖泉爲之響  
道。鶴延書而跂膝。鸞望埃而舞翮。殿移斥佞之  
根。宮徙叱門之草。玉律動而百谷齊。青華平見  
而千巒俱好。至於丁丁伐木。翹翹招弓。聲同則  
應。道從而隆。衆叩玄之爲牝。鷄得祀而維雄。石  
指跪綸之跡。人築取履之宮。亦有辭於嶽瀆。無  
曠乎天工。所謂物與時泰。德以人崇。我友見同。



舟之興爾侯有空谷之風。夫當其中車未至野。  
藉未忝飛澗。暝流石梁。臥塹涼颺。泣秋圓。暉射  
暗。抑孰佇而不荒。又何歸而不絕。似蕪城之洞  
心。彙幽房之啼血。豈謝怨乎王孫。固恐鳴於鴝  
鳩。迨夫鳴騶不入。折芰徒勤。雖遯世而不悶。亦  
沒齒以無聞。荷製秋其暫裂。蘭無人而不芬。青  
松落垂絲之鬢。芳華愁不雨之雲。與夫痼疾已  
成。膏肓莫却。荔網加於白魚。蘿罨施於黃雀。繫  
層巒之密罔。委園檀之棄繹。陷如不測之淵。倚

有不開之鑰。且將翫我以山鬼。斟我以狂藥。築  
我之宮庭。填我之溝壑。於時隴首無光。石門何  
色。嵐曷語而依回。湍吞聲而曲仄。豈曉猿之不  
哀。顧青崖而將泐。亦何芳杜之開顏。而并渫之  
無惻也。至於紛蘭雜陳。盤根互薦。勞虞子於上  
都。頓厖公於劇縣。人如廢瑟之絃。國集吟猿之  
箭。歌先祖之匪人。思西方而不見。巖壑幾傾。宮  
商利變。豈可使石鼓徒轟。神鉦自震。糾風翅於  
曲阿。繫麟軀於迴嶺。託嘯採薪。化離形影。今白



雲有侶而蒼生不拯。執斧柯以佇望。顧龜山而徒恫哉。若夫匡世無韜。藏身有智。逋深爲藪。穿壑爲竈。款鹿豕而入羣。晉石泉之爲贅。但偕鳥以知還。故聞空而向暎。時復恬情幽踪。舒懷遠則。亦可謂猿。崔之私人。松蘿之狎客。去若乘飄處。若旅食。雖終世以盤桓。亦入林之迷惑。卽懷魏闕。假步山扃。遺蕙帳。捐霞几。杖利策。牧名豕。岫如屋。社之邦。雲停過午之市。未足以動魄。而不寧。怨心而未已也。乃復遷怒上京。結薄都邑。

甌已破而屢求。綆方長而不汲。覽德未下。瞻鳥  
外集。愁桂樹之蕭騷。悵攢峰之翕葢。適以滲於  
俗情。章其褊志。使望石有女子之心。而丹穴無  
知人之智。用當抗奴於衡崑。抹荔於天駟。莫閉  
青牛之關。或擁芒碭之篲。同彼車之卻載。亦爲  
舟而不繫。庶不欺於游人。故可復乎上帝。於是  
封烟拭目。絕巘迴姿。醉叢條以玉醴。柔疊穎以  
香飈。迴吟龍之方澤。澄神鹿之上池。旣呦呦而  
鳴。侶亦皎皎而歌。詩勿言首陽之粟。不穢商山



之芝信河清其可俟亦匏棄而匪時請輟朱公  
之哭以停公子之思

駢枝云白雲鍾鼓遠峰翠幙隱者正未忘情  
市諸何妨飲價靈山獻璞本自世情媚水涵  
珠固投同好要令遠志信乎猿雀寧使屐聲  
漸其魚鳥也

書遊山豪爽語

袁中道

遊山次有友人云、先上山時、予向草中熟眠、一覺甚快、予曰、公欲以一覺點綴山景爾、非真睡也、予親見公目未合耳、其人大笑、予曰、凡古來醉後弄風作顛者、固有至性、其中亦有以爲豪爽而欲作如是態者、若阮籍之醉、王無功之飲、天性也、米元章之顛、有欲避之而不能者、故世傳米老辨顛帖、而世乃以其顛爲美、欲效之過矣、雲林之癖潔、正爲癖潔所苦、彼亦不樂有之。



今以癖潔爲美而效之可嘔也昔有一友人以  
豪爽自喜同入西山時初春乃裸體跣足入玉  
泉山裂帛湖中人皆詫異之彼亦沾沾自喜過  
數載予私問之曰卿往年跣足入裂帛湖可稱  
豪爽其人欣欣予再問之曰北方初春冰雪稜  
稜入時得無小苦耶幸無欺我其人曰甚苦至  
今冷氣入骨得一脚痛病尚未痊也當時自爲  
豪爽爲之不知其害若此然則世上豪爽事其  
不爲裂帛湖中濯足者寡矣

懶僊云古治子從齊景遊沈之河。鼃啣左騾  
沒之。拔劍邪行五里。逆行三里。左手持鼃頭。  
右手挾左騾。燕躍鴻涌而出。仰天大呼。水爲  
逆流三百步。方不愧豪爽二字。



銀錢三百丈丈不對藻爽二字

本手對去細燕單就而山咄天大平水盆

對之妹驗那許五里鼓許三里本手對許池

附對云古字子外賓景對之何對曲衣親

書鄧生讀書事

傅鼎臣

鄧生父賣酒吉州市母當壚飲客盈座無虛日  
生厭之如蚰蜒獨堅志讀書父亦不喜生齷齪  
酒家也父旣歿生取酒帘匿之叱傭保五六輩  
無及門母恚甚賣酒如前生日茂陵夫在爲之  
母豈以兒故廢業耶亦不禁其當壚如前僦旁  
舍手一編其間讀罷則泣泣罷則讀伺暮酒徒  
闌散篝燈研題旨燈膏涸漏盡吟哦不輟天曙  
滌器聲瑯瑯釜中出乃假寐憇焉生一日把予



袂占對屬文。予矍然曰。世之前人。析薪後人。弗  
克負荷者多矣。卽予兒十齡。不弛竹馬。襁褓之  
戲。若生者。易偏提而青箱。易俎脯而管毫。易北  
海傾觴而南面擁卷。人文相漸。倍有可觀。故知  
生崛起其天性也。卓女白頭上封禪文。生母較  
勝之士之子。恒爲士欺予哉。

懶仙云。皇甫士安二十不好學。其母勸勉始  
博綜百家。乃成大儒。若邵生好讀。出自至性。  
惜無柳仲郢賢母和熊膽丸助夜讀耳。

蒲團上語

何偉然

鮑顛在黃山坐蒲團七年。凡語從蒲團得者。盡記之。悟者讀焉。曰蒲團上故有此妙語。不知語將曰安用蒲團爲。看來卽坐蒲團人。未必盡能作是語。黃冠野衲上焉者。借此一片太極圓覺影。拾黃婆姪女吞江喂狗之腐譚。謾過大弟子。下焉則托坐忘而深攫金之謀。假嘿叅而遊華胥之國。腐譚了不可得。最下且充酒肉之几筵。代風流之茵褥。不可言也。至于不可言。斯爲蒲



團之辱得老顛此語始覺蒲團爲了悟人必需之物但不知予坐其上亦能作是語否今老顛遲予於三茅峰久矣札子云海內弟兄生歿共其欲以蒲團生我乎老顛之蒲團得語而不歿予得老顛不歿之蒲團或亦可老于山中但恐老顛蒲團不許老臞坐恐老臞亦似嬰兒學語也不若自製一蒲團用虞美人草取其靈通用千步香取其不垢用蔓金苔取其光明用翠蘿芸取其點化用小華之華荔取其不痛用招搖

之祝餘取其不饑不知得與老顛相似否不相  
似則同牀各夢正不相干其何以共生死

懶仙云鮑顛憶蒲團是死草那得坐出人的  
活機來闔眼間便見蒲團是草皆蒙茸發露  
透出珠花翠葉一莖丈六變化靈異如坐我  
于華林綺樹中乃知蒲團死草因我而活也  
余則隨處草茵皆我蒲團又何必坐死草蒲  
團耶



五  
師  
錄  
其  
不  
變  
不  
可  
早  
為  
之  
計  
也

作客苦樂

陳元素

行○奎○既○束○僕○夫○在○門○催○逋○之○人○聞○出○愈○集○一○二○  
親○知○多○事○贖○贈○捉○筆○作○報○十○字○九○誤○兼○有○惡○客○  
立○談○乞○書○盤○餐○既○寒○腹○以○茶○張○如○絮○着○棘○不○得○  
卽○脫○此○第○一○苦○忽○爾○出○門○就○舫○甘○臥○呼○酒○獨○醉○  
一○切○暫○忘○則○一○樂○也○久○客○憶○家○有○人○當○還○索○寫○  
家○書○從○何○下○筆○長○行○暱○輩○各○盼○音○問○債○家○蓄○怒○  
饑○腹○待○飽○支○一○缺○九○零○星○瑣○雜○措○語○羞○澁○誠○直○  
防○諱○紙○帖○繽○紛○刀○糲○邇○進○眼○暗○腕○脫○屎○溺○俱○忍○



此第二苦。緘書付客。若釋重負。拭几滌研。始索茗盞。亦一樂也。幸已歸矣。未至百里。至數十里。乃至城郭。白髮黃口。安否愉悌。寸心如煎。一喜一懼。噉飯不飽。飽復不饑。更畏里門。觀望嘲訕。如蒙大詬。不敢見人。此第三苦。旣對家人。差得無恙。塵面未頽。客囊已羞。弔慶紛沓。誅求磨至。戶屨方滿。室謫沸然。爲樂爲苦。吾不能自主矣。至于人情。山川風波。盜賊奴僕。驕蹇種種。攻心居平。慣嘗非必作客。

不是親味  
共道說不出  
口

曇隱云苦多樂少豈獨作客然我人生一逆  
旅也不如意事常八九目古道之況生不辰  
而逢百罹者耶



卷之六

而致百戰。亦不敗。意事常人。此自古。雖文。雖主。不。其。異。則。云。昔。多。樂。少。豈。能。有。容。然。非。人。主。一。也。

登雪浪閣偶書

曾文饒

雪浪閣羅文恭先生讀書處也。劉孝則少年亦讀書其地久而傾圯敗瓦頽垣不蔽風雨。歲丙子孝則與李梅公謀葺而新之。是時孝則方困甚。非力所及也。而其意甚銳。不爲沮喪。竭力經營焉。有笑之者曰。孝則何不姑自爲謀而謀雪浪也。今歲孝則及第。則笑者且嘖嘖羨曰。是殆有神告其繼文恭之先幾乎。嗟乎。世俗之論事類如此。安足顧哉。吾謂舉事者不可無成算於

忍笑忽羨俗人○情狀



胸中而亦不可太有成算畧無成算者難與圖  
終確語太有成算者難與慮始余性最喜孟浪人偶  
登斯閣有樂於此因感而記之以佐好事者之  
興

曇隱云夫子曰好謀而成成字是決然去做  
若畏首畏尾築舍道旁似懼似謀究竟無成  
矣中數語可與參看  
嬾仙云看破世情

艾園志遊

梁雲構

少叅公年未強仕、卽投簪歸里、鵬冠野服、餐松  
餌朮、微車相望于道、而東山蠟屐、林間之外、無  
痕焉、蘭渠子雅有父風、烟霞之嗜尤篤、蚤謝去  
舉子業、不復作噉名想、里門之前、則考槃在焉、  
其徑則九嶷山陰、縈迂萬狀、應接不暇、其池館  
則輞川茗溪、滲沱浩淼、令人有水一方之思、其  
樓閣則臨春結綺、恍乎蜃氣之凝、不可迫視、其  
臺榭則姑孰章華、映帶參差、皆可以脫步屨而



盤踞不去。其境區。則蓬玄姑射。謫幻起伏。遊者  
涉之。而欲仙。回首憶之。而若失。而且曲房邃啓。  
軒窗窈窕。貯書藏琴。室各異態。竹木蔭翳。卉草  
妖妍。亦皆別徑異塢。若後宮三千。分姿鬬勝。曼  
立而待羊車之幸者。而可彈可拜。更可沃之以  
酒。而玉山不頽者。其石耶。清唳薄雲。玄鑒而蹠  
蹠者。其雀耶。管絃遍奏。儼然一部鼓吹者。其鳥  
耶。澆漚出沒。聞人語而湧金浮丹者。其魚耶。輕  
衫垂髮。按紅牙而林鶯爲媿者。其歌童耶。蘭渠

子日抱膝于此。偶伊吾興至。書喜騷。詩喜靖節。  
金石之聲琅然振響。倦則按徽。一鼓好作梁甫。  
吟。童子煮泉竹下。炷烟煖煖林薄間。出而摘辦。  
嗅花。促汲灌樹。或令園丁荷鋤從之。誅浮草。築。  
菊畦。封蘭畹。或携雙柑斗酒。坐石上聽黃鸝。間。  
關弄舌。飲微醺。便推去。或携雕胡。鳴榔聚魚。傾。  
而餌之。或橫竿出魚。已復舍去。大有濠濮間致。  
棟童子髮覆額者。使豢鶴狎而調之。舞一舞而。  
長袖短髮。與縞翎朱頂。軒輊婉轉。徙倚觀之。殆。



爾鷗忘。或令歌者奏其傳奇。標新領異。則又以  
若下佐之。清都別世。佳賞絕俗。睨之十步之外。  
蘭渠子其神仙中人。與少參公從菟裘歸。一筇  
流憩。蘭渠子著彩衣。發酒徵歌以娛之。而東陞  
烽燧之搶攘。中朝雨雲之翻覆。西疇耘播之憂  
。曾無掛其眉端。曠韻遐襟。所謂遺世獨立者  
矣。蘭渠子雅愛客。客之來遊觀者。追傍留連。若  
置之岱嶼圓嶠。多令作天際真人想。時宗侯數  
輩。棲遲累日。不能盡其勝。歸而鈞天在耳。芳馥

在衣拂之不散刺棹而返疑從麟鳳洲中來也  
遡慕不能已已邀予各載一甌酒再涉其趣恐  
星鏈月斧締構復出好花嬌鳥點綴愈奇舊時  
遊覽之地今又不可復識矣

懶仙云簡文入華林園顧謂左右曰會心處  
不必在遠翳然林水便自有濠濮間想也覺  
魚鳥自來親人此等受用定是仙福





釋諷

張世偉

止些先生不得志於時、返乎蒙汜之居、睢睢于  
于仰屋而嘖、客有進諷者曰、先生何憊也、吾將  
爲爾鏡往古、程得失、投刀以括其垢、飲灰以滌  
其僻、蓋聞智不能背時、以獨彰、名不得絕羣、而  
特立、故夫易牙之調太羹也、則桓公唾其面、鴈  
熊蹯薦腍腴、而其君以娛、子野章英、疊奏而晉  
侯左右視、弗能竟也、變爲激羽、流商、綴宣、鄭衛  
而平公曠然、睥眄、郵良之能手、止絕鞞而獲一



詭遇從禽以投嬖奚故夫蘊其奇守其術  
終朝一餐稿項黃馘雖有璠璣常人則眊若夫  
假翰晨風遵途致疾則殿上侏儒監門辱客朝  
牧豕於淄原夕薦膺於郡伯咸取道於才智毋  
嘿守其故域昔人之爲此也則必有數矣當今  
天下熙熙來而慕思哆嚙頰頰蘧蔭戚施皆得  
論黑白紆丹朱登高以指順風而呼而先生身  
未適於雲閣籍不列于通都獻譏盈耳聳誚班  
如曾不悛于心汗于顏方且騁黃馬於獨座縱

碧雞于四筵資章甫以適越將蒙衝而涉燕比  
豪士於螺螄獨連蹇以自賢縱使彌天置網頓  
地布弦安能掛一目于層霄連虛發於空烟哉  
先生笑而應之曰客所謂見聲利之華闇運命  
之實快徑行之捷足而未覩籠中之習習者也  
蓋聞事猶琴瑟每絃改調道猶金石一調不更  
是故苟會於心向之必誠苟拂其真絕之必淡  
枯樹發榮于田父沙彌乞力于金剛責契窮冥  
而必向之者會心也爰居聞鐘而震棹狙猱裂



帛以入山○加寵堂皇而必絕之者○拂真也○况乎  
倜儻之士○冥志之日而動以詭隨之方哉○且余  
聞之生乎今之世而欲顯瓌奇之行○望名譽之  
光○勢之所不敢冀已○以一士之身○適天下之目○  
朱紫變於月旦○繞指成於倏忽○力之所不暇給○  
已失其故步○以效邯鄲○雖肖不妍○而且踟蹰○謂  
瑟不投○改而爲竿○竿旣不貴○好瑟奈何○是以通  
人知命○君子安貧○不起聲于貴游○恥乘熱於比  
鄰○寧掉臂以行○邁靡絀體而求伸○枕籍詩書之

圖○婆娑翰墨之林○始興周旋○吾不揖其座○太丘  
道○廣○吾○不○過○其○門○匪○凌○蹀○乎○時○賢○實○追○思○於○古  
人○若○乃○韓○生○貿○首○于○說○難○蘇○季○椎○心○於○闔○闔○賈  
傳○賁○志○于○長○沙○東○方○沒○齒○于○執○戟○孝○標○馳○想○於  
敬○通○伏○波○短○氣○于○朱○勃○下○至○少○陵○白○帝○供○奉○夜  
郎○宗○元○謫○柳○子○瞻○竄○黃○莫○不○抱○命○世○之○資○鬱○青  
霞○之○志○摛○藻○極○秋○旻○吐○辭○垂○竹○素○或○始○赴○而○倏  
起○或○先○合○而○後○忤○然○皆○不○代○變○於○素○絲○傍○徨○於  
岐○路○余○方○欣○爲○執○鞭○敢○薦○刀○於○樽○俎○若○乃○王○劉



不作許史同奔。白日昭昭而朦瞽失明。南風吹  
裾而鳩舌反聲。敦洽爲好。閭姬爲醜。馬圉諧說  
而懿子貢妙稱。而否穢五子之波濤。掩金閭之  
瓊玖。余方擬之不若。余方咎夫狡童。客乃望我  
以鍛羽。期我以高鏞。則又奚怪余之眼白。羗廓  
落而無同。客曰。吾規先生以趨時。先生弗是也。  
欲療其狂。狂迺滋甚。雖然。士不丁乎知已。聊我  
貴於斯文。金刀囊處。幽蘭澗生。宇宙密移。俟河  
之清。先生寧有意乎。先生喟然曰。客之言固也。

膠西吾師也。首賦斯旨。淵明達人也。亦爲感歎。余豈能無槩然。顧竊聞之。赤螭青虬之游冀洲也。入榛薄食薦梅。而螾螳倭之以不如。至其乘盛雲濃霧之勢。雜凍雨扶搖而登之。誰與爭於江海之中者哉。鳳凰之翔至德也。川谷不澹。風雨不興。而燕雀輕之以不能還。至其曾逝萬仞之上。徑弱水宿風穴。誰與爭於霄壤之間者哉。余非不知偶影之難振。與俗之易彰。非不虞居諸之不恒。而期頤轡于夕陽。顧早暮寧兢于箭。



漏○修短有待於寸量○涵牛之鼎○不以烹雞委棄○  
九寡之珥○不爲五父高張○末見非湛盧之用○穿  
縞○試谿子之良○順吾之心○行吾之意○客請休矣○  
無與吾事○

懶仙云○憤極爲歡○愁深作笑○借筆墨抒其鬱  
結○不覺言之斐亹○

情癡

潘之恒

古稱優孟優施，能寫人之貌，尚能動主。而況以情寫情，有不合文人之思致者哉？余友臨川湯若士，常作牡丹亭還魂記，是能生歎生而別通一竇於靈明之境，以游戲于翰墨之場。同社吳越石家有歌兒，令演是記，能飄飄忽忽，另番一局於縹緲之餘，以淒愴於聲調之外。一字不遺，無微不極。旣感杜柳情深，復服湯公爲良史。吳君有逸興，朕非二孺，莫能寫其形容，非冰生



莫能賞其玄暢、乃今而後知牡丹亭記之有關  
於性情、乃爲驚心動魄者矣。蓋余十年前見此  
記、輒口傳之、有情人無不歔歔欲絕、恍然自失。  
又見丹陽太乙生家童子、演柳生者、宛有癡態。  
賞其爲解、而最難得者、解杜麗娘之情人也。夫  
情之所之、不知其所始、不知其所終、不知其所  
離、不知其所合、在若有若無、若遠若近、若存若  
亡之間、其斯爲情之所必至、而不知其所以然。  
不知其所以然、而後情有所不可盡、而死生生

歟之無足怪也。故能癡者而後能情，能情者而後能寫其情。杜之情癡而幻，柳之情癡而蕩，一以夢爲真，一以生爲真，惟其情真而幻蕩，將何所不至矣。二孺者，蘅初之江孺、荃子之昌孺，皆吳閭人，具情癡而爲幻，爲蕩若莫知其所以。朕者，主人越石博雅高流，先以名士訓其義，繼以詞士合其調，復以通士標其式，珠喉宛轉如串，美度綽約如仙。江孺情隱于幻，登塲字字尋幻，而終離幻；昌孺情蕩于揚，臨局步步思揚而未



能揚政以杜當傷情之極。而忽值鍾情之夢。雖  
天下至情。無有當于此者。柳當失意之時。忽逢  
得意之會。雖一生如意。莫有過于此者。或尋之  
夢而不得。尋之冥冥而得其偶。合于幽而不暢。  
合于昭昭而表其微。雖父母不之信。天下莫之  
信。而兩人之自信尤真也。臨川筆端直欲戲弄  
造化。水生豪舉。且將凌轢塵寰。足以鼓吹大雅。  
品藻秣林矣。不慧抱恙一冬。五觀牡丹亭記。覺  
有起色。信觀濤之不余欺。而夢鹿之足以覺世。

也。遂書以授兩孺。亦令進于技。稍爲情癡者吐  
氣。他日演邯鄲紅梨花異夢三傳。更當令我霍  
然一粲爾。

懶仙云。癡有二種。有泊然物外。以不認真爲  
癡者。有情深一往。太認真而爲癡者。不認真  
之癡。可以出世。太認真之癡。可以經世。可以  
持世。唐拾遺張方回。精神不爽。時人呼爲癡。  
漢至抗論朝政。精采昂然。進不惧死。自非癡。  
漢那能若此哉。有情然後能癡。情之所鍾。政



在吾輩莫認作兒女態○

尤命

曾文饒

條  
福

嗟予命薄拓落不偶、竄同原憲、羸如衛玠、多慙  
多凶、多憂多患、壬子之歲、祝融爲虐、妻女沒於  
燼灰、詩書焚於烈焰、宿愆深重、遭此奇禍、一弟  
夙惠、十齡夭折、兩姊賢媛、相續歿喪、繼室如珉、  
大不解事、生男如鼠、了不得力、三十年來、困躓  
諸生中、大志不遂、小願未舒、縛孟賁之手、繫騏  
驥之足、稱量而衡、不舉屬鼻、而續不飛、居前不  
能、令人輕居後、不能令人軒、德輻如毛、言輕若



羽挫辱文戰幾爲鄉里擲榆潦倒名場徒爲海  
內指數逍遙螺水之上棲託鷺渚之側環堵陋  
惡僅蔽風雨孑然一身形影相弔追憶往事不  
禁浩嘆家累繁重資用苦多而有待我舉火者  
以屢空之囊行周急之事舍田芸田處溺援溺  
不敢以親踈爲解不忍以有無爲辭期功彊近  
舉皆陵替甥舅中表率多窮阨前榮者必後悴  
初盛者必中衰同業所感咄咄恠事若其終始  
昌隆保無頽廢者則必情義惻絕悠悠行路半

錢不能見假一臂不肯相助者矣生平舉措無  
不艱難○他人○事○半○而○功○倍○予○事○倍○而○功○半○他人  
力○少○而○効○多○予○力○多○而○効○少○乃至謀已得當輒  
復○生○變○績○已○垂○成○忽○然○致○敗○所○爲○拂○亂○智○勇○俱  
困○性○喜○豪○舉○不○樂○寂○寂○座○上○之○客○常○滿○而○逢○迎  
非○質○所○堪○尊○中○之○酒○不○空○而○治○具○非○力○所○及○資  
身○無○策○恆○二○旬○而○九○食○娶○婦○無○能○每○一○席○而○十  
起○貧○矣○而○絕○口○不○言○人○遂○不○恤○其○貧○責○以○財○貨  
病○矣○而○勉○爲○周○旋○人○且○不○憐○其○病○役○以○煩○辱○念



此邑邑。令人懊喪。若夫意氣相許。久要不忘。非  
曰能之。固所願也。然求親於人。人反疎之。立信  
於人。人反疑之。磨肌戛骨。或召匿情之猜。傾心  
吐肝。或致操戈之釁。厚往者多以薄來。善始者  
多以惡終。况乃同人凋落。知己淪亡。濬冲之悼  
嵇阮。昭明之哀王。劉松茂。柏悅芝。焚蕙嘆何物。  
奇鬼使我交窮。至於小福。亦不如人。僕妾愚情。  
奉職無狀。蚤寢晚起。難養易怨。烹飪不講。酒食  
不議。曰脫曰作。曰新曰撰。墨墨而無聞。宜稔宜

黍宜稷宜梁。蒙蒙而罔稽。窗前之草。弗除。戶外  
之屨。弗問。裘服帶落。旬日未縫。墻屋瓦墜。經年  
未葺。衣裡之綿。上穿而下穴。被裡之絮。左着而  
右脫。製巾不寬。則狹。買履非長。卽短。物號極賤。  
市之則涌貴。貨稱甚多。求之或不得。諸若此類。  
更僕難終。動輒違意。舉無快心。以小徵大。以一  
喻百。一生命薄。往往若此。爰作尤命。以自傷焉。  
曇隱云。吁。嘻。文人同此命也。白面生。等紅顏。  
婦。昌黎送窮。亦爲多事。



懶仙云。捉襟見肘。納履決踵。緼袍不耻。曳屣  
而歌。其聲若出金石。先曾子之所安焉者。吾  
於堯臣乎何尤。

此篇始讀之。慟。再讀之。感。三讀之。酸鼻。四讀  
之。大快。五讀之。大笑痛絕。雖之以涕泗。謂予知  
所之手。而足蹈之。拍案大呼。怪哉。斯人也。以令  
人嘖笑。如雷。要成文章至此。

花蝶夢

曹宗璠

蝶之類有幾。螭螭之蟲化爲胥。陳麥之穗化爲  
灰。翅雜花之蕊化爲白鬚。義夫貞婦之魂化爲  
錦裙。夫爲化者神將化者機。至于化則物于物  
矣。化而出乎機。合乎神。以天合天。莫良乎夢。故  
黃帝夢風力。殷高夢傅。孔子夢姬。尚矣。若高惠  
張敏夢中相尋。不識路而返。少陵夢太白。曰恐  
非平生魂。則其神未全也。若因羊夢馬。因馬夢  
輿。旗蓋鼓吹。身爲王公。則魂之游。非精神之極。



至矣。不大可哀耶。吾聞莊周隱几。喪我而夢爲蝶。栩栩然。蝶也。不知其非蝶也。蝶好游于花林。棲于香圃。則有剪綵爲花者。蝶曰。戛戛乎。則有玉樹青葱者。蝶曰。侈言無驗。左思猶譏之。則有初日芙蓉者。蝶曰。麗矣。三人捉衣裾。四人攜坐席。吾悲其風之靡也。則有南國椒蘭。西方卷耳。闕里之檜。九疑之梧者。蝶曰。中古媛媛姝姝。學一先生之言。僅堪一托宿焉。吾聞崑崙之巔。有竹千尺。聲合鳳之雌雄。累糧從之。見伶倫足迹。

興盡而返于是徜徉元氣之外逍遙無極之上  
不棲息人間者千餘年而有江郎心頑質耑偏  
○勾景叠現不減○身毒道人○手指  
好冥默夢琪花滿管城蝶乃喜曰此花布種于  
蜺高植根于混沌含英落實于燧媧羲軒非江  
郎之所能有也神明所注偶一見之吾知其有  
才盡之患亟取而爲吾廬焉饑則食燁燁之光  
而莫識其色渴則飲濛濛之濕而莫挹其膏靜  
則嗅霏霏之香而莫霏其氣醉則宿漠漠之帳  
無封  
而莫定其房其在花林也猶其在元氣之外無



極之上也。樂乃忘疲。乃屏鶯却燕。囚鵲牯蜂。以一丸泥塞天台之徑。而斷武陵之津。時有輕蛺蝶。東風澹淡。闖入其境。大聲疾呼曰。爾蝶也。予亦蝶也。予鬚娟如。予翼浮如。予身蠕如。予舞翩如。而奚獨予鄙也。花中之蝶曰。噫。爾不知夫非蝶也。又曷知夫非非蝶乎。爾能擬吾之形貌。而遺吾神理。竊吾之文章。而遁吾天機。止堪作穢史耳。而孰蘧蘧而孰于于乎。於是移四大海水。爲花溝洫。提五嶽之尖。爲花虎落。凡夢熊者。夢

魚者夢虺蛇者夢蕉鹿者皆擯之若敵國不與  
往來惟夫草玄亭而九苞吐羽賦赤壁而玄裳  
戛舟召以爲附庸焉太史氏曰蝶與花相遇於  
夢天者爲之工部云穿花蛺蝶深深見非天也  
何以深而又深乎以人力獵古人之精英而遽  
欲作古是猶魏收之呼莊周也豈足語化哉  
贊曰蝶以幻造黃粉何萌花以空植紅脂何情  
頌其光氣竊冥飛鳴蟲螫莖枯春氣獨行夢者  
知之玄天乃成騰翼採英海水泓泓寄語覺人



心何能精

懶仙云墨散爲花筆化爲蝶游戲神通。

學廉嘲

曹宗璠

蟬與蚓與水蛆同學廉于伯夷志趣不能洽每  
會未嘗同簋食也一日侍側伯夷曰蟬爾廉奚  
若蟬曰玉露凋盤金風振場楊柳枝疎梧桐葉  
碧于焉逍遙微吟長嘖曾參金石之音孔子犁  
然之感莫不趙瑟羞彈秦箏罷畫故入秋聲則  
能作賦映粧鬢則可成姝矧籟則子綦之喪偶  
選鳴則惠子之據梧食造物之沆瀣而與騷人  
詩士按節而徵娛伯夷曰君子之徒也爾有五



絃。吾爲爾送飛鴻焉。蚓爾廉奚若。蚓曰。孟夏鬱  
陶。艸木長。樹微雨。乍零晴。霞鋪繡。浩然而歌。盆  
缶自扣。鶉鷄失矯。雌雄慙雌。記月令之堂。而傲  
於陵之圃。旣而新月斜鉤。耕者罷耨。時與牧兒  
樵叟。嘆龍德而魚服。螾騰而螻蛄。伯夷曰。石隱  
之朋也。不可以登明堂。然採薇行歌。吾與爾互  
荅焉。水蛆爾廉奚若。於是水蛆乃縮肩伸頸。翹  
尾拱腹。而言曰。二子皆以聲致人者也。不能絕  
世離羣。孤立行一意。亦何以稱廉哉。吾聞與之

側竈之旁。有芥舟之池焉。中多敗漿。其味醇醲。其臭馨香。吾飲其味而吐其渣。嗅其臭而嘔其穢。雖蒙莊摘辭。不能以我與井蛙並列。雖張華博物。不能以我與雪蛆同方。不鳴不躍。謝絕賓客。釜無宿鯖。庖無乾腊。醢無魯醪。李無鑽核。如欲索余之餽。必以斯彌爲牛心。醢鷄爲熊白。止堪嗜痂之僻。饕何能腐鼠之相嚇。竊以余身之默默。而箴二子之役役。先生雖採薇乎。乃與太公爲交。虞夏爲友。吾恐其朝夕從游。和先生之



長謠而分先生之芳摘也。於是伯夷蹙額嚙額。  
攢眉結舌。竟日而無以應也。

嬾仙云得南華之神。

星驪謠

薛 案

八橫七曜燭太虛。元精中貫號曰樞。手撼閭闔  
排儻忽。執帝之珮鳴垣衢。爾來墮地地靈走。五  
十三叅證賢首。秋空泠泠玉晨泣。璇璣下炤孟  
城口。海涵萬象自有宗。或躍在淵呼曰龍。蒼崖  
畫臥青瑣骨。瀾空雲氣以類從。腥蛟摧壑勢難  
緩。蚪紋蜿蜒駁重嶮。織綃女兒拾餘絲。血燦星  
裾蕙裳感樞乎。龍乎演元化。海竭天荒獨穉稺。  
造化小兒若張弓。貫石何曾伺殘罅。我乏寸焰



與片鱗○亦以狂駭寢其下○星芒不滅驪有珠吾  
慟吾私勿吾詫○

堆山

註

北極之第四位芒不射睥○而爲三垣

二十八經之盟主○與乾六爻之初位○皆沉沉  
乎其居無事也○故其占皆不甚顯融而爲兩  
儀○正則歲閏五十○運逢陽九○邇其人間瞻仰  
之期○蓋龍見以象告○而辰居卽龍所○予於二  
者感慨深矣○亥之夏泊舟湖濱○絕壁下微聞  
樵唱○刺予迴腸就而微之○知爲茲謠乃緣飾

成章比于靈均發九歌九辯之秘夢得次山  
譜春陵而奏竹枝彌有間焉  
懶仙云逸懷悲緒字句愴咽低回數過輒飲  
擊漁陽鼓操潯陽江上琵琶和之





畫答

陳 梁

中士問西先生曰。西國畫人如生。先生必能言之。可得聞乎。先生曰。余不解畫。無慰子之問。請以余舌爲毛穎。以子心爲油素。以至理爲五采。當之。中士曰。人有善惡庸庸三等。不審先生奚其畫。先生曰。善法惡鑒。他不敢知。二理必倒。畫一以得二。惟子謂我。中士曰。願先生詔之善。先生曰。縱貴橫賤。畫立形。諸橫首俯。畫上向禽獸全體著地。皆有久戀之狀。吾徒足二。逡巡獨抱。

猛下棒喝



翔○天○之○志○此○其○二○大○都○也○畫○髮○母○若○蓬○亂○母○若○  
絲○垂○把○而○維○髮○念○之○象○也○曷○象○乎○念○多○而○細○髮○  
亦○如○之○念○必○上○故○呼○念○必○繫○之○頭○髮○自○頭○生○豈○  
容○散○亂○把○之○使○念○上○維○之○使○念○聚○也○人○之○髮○如○  
地○之○樹○皆○有○根○焉○樹○根○居○下○受○地○脂○而○茂○葉○人○  
根○居○上○受○天○澤○而○茂○智○不○爽○也○畫○顙○廣○勿○文○廣○  
比○量○量○不○欲○窄○人○怒○顙○蹙○無○文○屏○怒○也○凡○顙○橫○  
文○不○名○顙○質○名○曰○忿○火○火○炎○不○撲○身○其○灰○矣○勿○  
畫○大○眼○惡○傲○勿○畫○小○眼○惡○窄○而○暗○勿○畎○勿○矇○勿○

出眼住物如螻螻貪故眼出勿縮眼內眇如猿  
猿私故眼縮勿畫妒眼妒者見善必憎如西國  
夜鳥憎日之光日宜憎否勿畫岐視眼一視此  
一視彼懷二念也勿畫礙眼星礙其中不得盡  
見如嫉人不見人善但見人不善也夫眼心  
也眼上啓閉者護牕闥也牕勿常啓維以納光  
而煙風雨塵閉勿使入可以例取善眼不生後  
生於前爲矚未到之程非戀已成之美教人進  
也人廢眼無復前途是等廢人廢人傷哉畫耳



中空高郭。左右具空欲入。高郭不欲入。具無單  
聽也。中士曰。眼耳位比無高下。何曰耳證眼。眼  
證耳。如鍾稱物求平。戒偏任也。畫鼻孔。子大以  
函德馨。畫口小而扁。勿令舌出。舌形銳。刃也。利  
刃。胡勿藏。舌性毒。猛獸也。猛獸。胡勿檻唇齒重  
關。猶虞其破也。中士曰。耳目口鼻。扁不扁異矣。  
故曰鼻未嘗爲香臭欺。故不扁。聲欺我。益我。故  
郭而不扁。眼口皆自我心出。宜制。故或重堤。或  
設戶。又差也。須之壽。減於髮二十年許。中年乃

可作舌箴

生○表○人○智○也○。畫○須○不○厭○長○。以○手○掀○之○。可○使○過○而○  
而○踰○髮○之○根○。若○有○須○無○智○愧○矣○。須○日○長○日○下○垂○。  
如○人○日○老○日○無○上○進○。當○知○須○下○垂○。所○以○儆○予○也○。  
及○未○垂○省○焉○。視○須○日○下○視○德○日○上○。斯○稱○全○人○耳○。  
畫○胸○寬○。畫○腹○小○。營○營○利○慾○者○。胸○必○隘○。戀○戀○肉○食○  
者○。腹○必○大○也○。中○士○曰○。手○亦○有○善○惡○。耶○曰○。手○中○不○  
可○著○一○物○。故○不○容○一○毛○孔○。畫○伸○勿○拳○。畫○淨○勿○染○。  
拳○如○狼○蹄○。象○取○物○。染○如○豕○躅○。皆○憎○其○穢○矣○。問○畫○  
股○曰○。股○隨○眼○者○也○。眼○之○至○足○至○焉○。有○人○焉○。見○中○



行邊見直行紆。是名蟹足。畫端勿邪。中士曰。人  
心難畫。畫好。心維何。先生躍起曰。旨哉問矣。畫  
上寬下窄。顯諸空竅。中勿偏。上寬者。仰承自天。  
休美。下窄者。於世間事。僅存一點。無可奈何耳。  
庸人嚮求上而奢。徇世念。常下餘而上塞。聖人  
上達不肯下達。心常上廣而下微。諸空竅者。關  
情魔。迎千善也。中士曰。至哉詔矣。冠服不具何  
居。先生大噱曰。人也。冠服乎哉。冠服也。人乎哉。  
當今比比冠服外。裏望之。端正卽之。統素正不。



知何人斯也冠服帳人者也經○見○本○來○面○目余不欲畫也於是  
中士惕然驚悟拜曰教我矣當榜之坐間以爲  
身律奚暇事西國畫聞者服先生畫之神  
賀龍生云稽首中西士示我本來身眼際營  
營者畢竟是何人  
曇隱云筆墨作佛事三千大千盡證如來  
懶仙云世盡行尸走肉爾得西來指點纔現  
出真面目可後天地不老







